

山西通志卷第一百七十一

山西巡撫都察院右副都御史臣覺羅石麟奉

旨修輯

寺觀 四

忻州

興國寺在州治後唐鳳儀中建明洪武初置僧正司

明一統志金建

文殊寺三一在州城外壇溝明萬歷甲戌建張泮記一在州

治西一在南郭

大悲寺在南郭外西懸崖中有古洞鳥道盤跚而上有大悲

像明萬歷三年僧悟增剏別院於檀溝之南張泮撰碑

福勝寺在西張一名西張寺明巡撫任洛有書西張寺詩

崇化寺在州西北流江宋時建元季兵焚明宣德間僧禧公

募建楊壽有記

傘蓋寺在馮村後唐初建附山植松百所謂傘蓋青松也寺右廢塔二相傳殿瓦無塵云

陀羅寺在州西北五十五里土人傳文殊遊此有足跡及清涼石香爐石滴水岩青龍池

福田寺在繫舟山金元德明讀書於此有德明寒食遊寺詩趙秉文楊雲翼胥有詩寺在山東岩一名東岩寺元好問有東龕玩月詩

寶香寺在馥香山

香泉寺在路村西三峴山唐光化間建

淤泥寺元王構有詩

龍泉精舍在州西集賢鄉官庄僧鎮隆建國子司業傅新德

有記

定和禪院在匡村舊名匡村寺

神霄宮金天會中宋武節大夫何宏中自西京放歸請爲黃冠師自號通理先生時神霄宮廢道士舊以徽宗爲東華君將毀其像宏中爲起紫微殿遷像事之正隆四年歿宏中與朱少章輩唱酬甚多皆爲所推重載之墓碣之陰

天慶觀在州西九龍原上檀弓謂之九原水經謂滹沱經九原城北流卽其地也舊傳爲唐七聖觀其後有白鶴之異改白鶴觀後晉天福二年書於版記宋大中祥符二年詔郡國立天慶觀改今名建殿於老君之左祠軒轅號明慶堂冉宗閔有記杜祈公衍有列仙亭題咏金貞祐後殿宇盡廢道士王志常重建每歲二月望道家云是老君誕日

及期有鶴降多至十數翔舞殿庭了不驚畏三日乃罷州人先期延望黃冠千里來會久不復至內有祁公白子西詩高司戶子文書孫內翰國鎮文能知雄水壁風濤起伏有蜀兩孫風張永淳天蓬四聖毛髮生動威重可怖號爲河東名筆金元好問有記明萬歷二十七年二月望日羣鶴復集余繼登有記魏允貞詩誰知三百年來後又覩聯翩下碧雲

玉清觀二一在水馬村一在傅家庄

洞元觀在州西北四十里嘉禾村元大德年建

定襄縣

聖壽寺二一在城隍廟左明萬歷四十三年知縣王立愛重修一在北關舊爲昭惠靈顯王祠今仍之

功德寺三一在神山東十五里金元好問讀書於此上建
寺好問詩金身入夢基初立白馬駝經刹始安碑斷猶存
蝌蚪字樑空不辨漢唐年一在高蔣村宋嘉祐七年建明
洪武初置僧會司一在趙家營

曇陽寺在東南山宋崇寧間智重顯女幼耽空寂及笄不嫁
禍福多前知一日入山坐化因建塔邑人傳新德題今額
有仙姑塔詩

興國寺在橫山宋慶歷四年一僧作院主明年正月十八日
舉三昧火自焚得舍利數粒鄉人號曰舍利和尚爲建塔
勒碑金元好問有詩

永寧寺在趙村

聖阜寺在縣東北二十里沙村聖阜山勅建山下有溫泉明

萬歷間正月一老人水內沐浴云出水則冷入水則熱浴罷翻石向下而去

洪福寺三一在西酈村一在劉暉村一在高長村

文殊寺三一在牛臺村一在寺碣山一在庄頭村

福田寺二一在中村庄一在于家庄

廣教寺在向陽村明邑人郭瑄撰碑記

水頭寺在胡桃源

紅泉寺在南山

真容院在東酈村唐時打地和尚隱此大歷十三年化門人

建塔葬之宋元祐四年張商英諭衆新其院撰記

龍泉院在東霍村

太平院在寇村

玉清觀在南王村

純陽觀在南鐔村

老君觀在靑石

靜樂縣

寶峰寺在縣東北金時建

興國寺在西郭外

護國朝陽寺在東門外

龍和山寺距縣百二十里龍和山頂元大德中建

天慶觀在縣東門內宋大中祥符間建觀依北山之麓最後
爲三清殿循殿而北上盤紆約二百步至山脇當峻壁巉
岩處爲洞鑿深三丈高廣尋仞入洞西折石梯高丈許陟
之達洞之奧容十許人坐正南爲牖下瞰城市名陽光洞

宋道正閭若進棲此憲州尉杜時亮撰記金大定二十五年重修明洪武間置道會司今廢

熙真觀在縣南七十里樓煩城內宋元祐間建

三清觀在縣南七十里

代州

圓果寺在州東北隅隋開皇間建內有塔十三級高百二十尺宋楊延昭嘗射三矢其上今廢洪武初置僧正司并洪福宏濟資聖興國青龍打地功德七寺入焉

天寧寺在州北門街唐貞觀間建明洪武初吉安侯陸亨截其半爲振武衛

延福寺在州西南十里中解村元至元二年建明洪武八年

併文殊三聖二寺入焉

舜子寺在州東十五里舜山上有舜井舜廟寺在山半塑大舜娥皇女英像莫知創始然寺曰舜子當與商州虞城互考

洪濟寺在州東二十里若宛村佛暨諸像甚工傳爲劉鳳仙塑

栢林寺在晉王墓側後唐同光三年莊宗建以奉香火內傳遺像一軸共七人王著緋袍據牀坐其右冠王冠而衣黃者亞子也其左冠虎頭而衣青者存孝也其二東嚮侍其二西嚮侍莫知爲誰王挾矢睨視之蓋王眇一目畫筆爲王諱之畫甚工明武宗過代持真像去摹像留寺中寺左右爲東西花園王遊賞地

望臺寺在州東南四十里宋太平興國五年建

山西通志 卷一百一十一
白仁岩寺在州西北三十里白仁岩巨石上晉慧遠闢石爲
室建樓觀臺榭殿廊門廡僧軒廚庫具備故碑尚存明僧
慧菴重建都御史弋謙記

庵頭寺在州東南五十里圭峰山下

極樂寺在劉雪溪墓側

三清觀在州城外西關明洪武三十八年置道正司景泰間
徙建城西門外今名圓通殿

崇元觀在城東南六里元至正中建

瑞雲觀在州南八里潘美庄西唐貞觀中建

明一統志
南十五里

鳳凰觀在鳳凰山之陽去州三十里魏太武迎嵩山寇謙之

居此一名來儀觀宋闕道寧號休休子養真於此年八十
四尸解而化有遺頌并志今剝落葛洪孫思邈董思珍朱

自然劉海蟾胥寓此

神岡觀金至德廣元大師張廣元居此杜志元師事之

五臺縣

臺懷佛刹

大顯通寺在縣東北百二十里五臺山古名大孚靈鷲寺漢明帝永平十一年春印度摩騰法蘭禮清涼山奏請建伽藍復言山形宛同印度靈鷲宜卽用爲名上以始信化緣加大孚靈鷲寺仍度僧數十居之後魏名善住院孝文帝重建環山復置院十二前有雜花園亦名花園寺寺嘗設無遮齋有貧女剪髮作布施從二子一大乞齋俄化菩薩相因以所施髮建塔在大塔院寺東卽古雜花園也又寺中三沙彌得神藥色如玉相傳食已飄舉云北齊於

臺山建寺二百餘所割八州稅以充香火 隋開皇十三年遣使至清涼設齋上白書疏 唐太宗復加修建貞觀二年詔修齋七日九年十一月詔曰五臺山者文殊闍宅萬聖幽棲境係太原實我祖宗植德之所切宜祇畏是年臺山建十剎度僧數百顯慶元年勅五臺山道場地無得稅斂則天朝以新譯華嚴經中載此山名改爲大華嚴寺天寶中日本國王白璧天皇遣二僧靈仙行賀禮五臺山學佛法後開成會昌中仁明天皇遣僧入禮五臺乾元二年勅建五臺山寺一區選高行沙門主之貞元中清涼觀法師造華嚴疏鈔貞元丙子天竺烏茶國王遣使賫奇香旌旆往禮五頂疏曰南天竺烏茶國深信最勝善逝法者修行最勝大乘行者吉祥自在師子王稽首和南於大主

那國五頂山中曼殊室利摩訶菩提薩埵足下唐釋智顗
棲此 宋雍熙元年日本國僧裔然浮海至獻職貢求詣
五臺許之令所過續食又求印本藏經詔給之景德四年
夏王德明請修供五臺山十寺上遣閣門祇候袁瑀爲致
祭使護送所供物至山寶慶元年元昊表遣使五臺供佛
寶宋釋和希棲此 元至元二年印經一藏勅送臺山善
住院十二佛刹皆爲修葺二十四年命西僧監藏宛卜卜
思哥等作佛事於五臺山等寺元貞元年建佛寺於五臺
山以前工部尚書涅只爲將作院領工部事以燕南河北
道肅政廉訪使宋德業爲工部尚書董其役以大都保定
正定平陽太原大同河間大名順德廣平十路應其所需
二年五臺山佛寺成至大元年建佛閣於五臺寺復造寺

五臺山摘軍六千五百人供其役二年皇太后將幸五臺
檄政院請調軍扈從省臣議昔大太后嘗幸五臺於住夏
探馬赤及漢軍內各起扈從軍三百人今遵故事從之令
高麗王從太后之五臺山時仁宗居東宮幸五臺山王約
諫不可久居卽日還上京至順元年遣使詣五臺山作佛
事元釋佛日棲此明成祖特勅於靈鷲華嚴寶積寺舊
基重建改大顯通寺賜額莊嚴勅旨護持凡十餘道永樂
壬午秋迎西域葛哩麻尊者遣使送至大顯通寺勅太監
楊昇修寺戊子入滅勅楊昇塑像於顯通法堂三年增設
僧綱司庚寅御製佛名曲經頒賜相傳有五色祥光次日
復有羅漢由華嚴嶺來至三千餘云命工繪圖御製感應
序十二年西僧釋迦也失至顯通寺召入復歸臺山宣德

六年辭歸西域

按二僧榮遇年月多舛聊節錄之

天順二年夏勅諭護持

顯通寺成化七

年夏勅諭都綱司萬歷十二年遣太監高

勛王忠詣山飯僧十三年勅造大藏經頒賜二藏

國朝

祖仁皇帝發帑金重修有

碑製碑記康熙二十六年十二月賁送香銀哈達到山各寺修

建上祝

八皇太后延壽無疆道場

仰書匾額曰甘露津曰緝園

大文殊寺在臺懷

即菩薩頂真容院唐僧法雲創建相傳塑

像時塑工安生

購求菩薩現身七日倏顯現全像遂繪圖

模塑名真容院

廣德元年上在華陰文殊現形授以番

語後還京詔修五臺文殊殿鑄銅爲瓦造鍍金文殊像高一丈六尺貞元丙子勅河東節度使李說進香文殊殿

宋太平興國二年勅以金泥書經一藏送真容院供養歲度僧五十人景德四年勅建重閣賜額奉眞自太宗至仁宗頒宸章玉劄凡三百八十軸元祐三年七月癸卯張商英至真容院止清輝閣夜見金界南溪上燈如紅日浴海騰空而上至閣收斂如大青鳥良久北山雲起現大寶燈乙巳夜見文殊真容丙午夜清輝閣前再見金燈商英撰記元祐初勅還慧悟大師龕建塔藏之建中靖國元年河東守錢蓋偕樂安任良弼太原王直方宿真容院夜見燈如金銀盤元延祐二年大長公主遊禮五頂於臺懷觀大圓光中現七級浮圖明永樂初勅改建大文殊寺